

四庫全書

子部

欽定四庫全書

冊府元龜卷一百二十六 宋 王欽若等 撰

帝王部

納降

王者之師有征無戰三驅之禮來者不射豈不以居司  
牧之重法天地之量務揆光大之德以叶亭育之義哉  
乃有經綸開創之始繼統守文之代天下未一四夷未  
服於是乎蒐軍實厲戎容或建節親征或謀帥授律先

之以文告示之以威武而能究變通之理識仁義之師  
率衆以請命束身而効款莫不推在宥之惠開自新之  
路榮之以爵秩安之以田宅義征德勝之道不其盛歟  
傳曰叛而伐之服而舍之是之謂矣

漢高祖為沛公秦二世三年六月引兵圍宛城

南陽南之縣

陽守欲自剄

以刀割頸為剄

其舍人陳恢曰死未晚也

舍人親近左右

之通稱也後遂以為私屬官號

乃踰城見沛公約降七月南陽守齧降

引兵西無不下者至丹水高武侯鯁襄侯王陵降

二年十月陳餘怨項羽獨不王已從田榮藉助兵

藉借也

以擊常山王張耳耳敗走降漢王

三月漢王自臨晉渡河

舊縣名其地居河之西濱東臨晉境本列國時秦所名地也即

今之同州魏王豹降至脩武陳平亡楚來降

五年十二月灌嬰追斬項羽楚地悉定獨魯不下漢王引天下兵欲屠之為其守節禮義之國乃持羽頭示其父兄魯乃降

後漢光武初為更始破虜將軍行大司馬事持節鎮慰

河北卜者王郎詐稱成帝子興立為天子據邯鄲光武

自饒陽過滹沱河馳赴信都太守任光開門出迎光武

因發旁縣得四千人先擊堂陽貫縣皆降之

堂陽貫並屬鉅鹿郡

堂陽在堂水之陽今冀州縣故城在今冀州鹿城縣西南王莽和戎卒正邳彤亦舉

郡降

王莽分鉅鹿為和戎郡卒正職如太守

又昌城人劉植宋子人耿純

昌城縣屬信都國故城在今冀州西北宋子縣屬鉅鹿郡故城在今趙州平棘縣北各率宗親子

弟據其縣邑以奉光武於是北降下曲陽

縣名屬鉅鹿郡常山郡有

上曲陽故此言下

衆稍合樂附者至有數萬人王郎平更始封光

武為蕭王是秋光武擊銅馬

諸賊追至館陶大破之館陶

縣屬魏郡今魏州縣

受降未盡而高湖重連從東南來與銅馬餘眾合

光武復與大戰於蒲陽悉破之封其渠帥為列侯降者猶

不自安光武知其意勅令各歸營勒兵乃自乘輕騎按行部

陣降者更相語曰蕭王推赤心置人腹中安得不投死乎

投死

猶言致死由是皆服悉將降人分配諸將眾遂數十萬故關

西號光武為銅馬帝

又云岑彭更始時遷潁川太守會春陵劉茂起兵略下潁川彭不得

之官乃與麾下數百人從河內太守韓歆會光武徇河內歆議欲城守彭止不聽既而光武至懷歆迫急

迎降光武知其謀大怒收歆置鼓下將斬之召見彭彭  
因進說曰今赤眉入關更始危殆權臣放縱僑稱詔制  
道路阻塞四方蜂起羣雄競逐百姓無所歸命竊聞大  
王平河北開王業此誠皇天祐漢士人之福也彭幸蒙  
司徒公所見全濟未有報德旋被禍難永恨於心今復  
遭遇願出身自効光武深接納之彭因言韓歆南陽大  
人可以為用乃賞  
歆以為鄧禹軍師

建武元年八月辛亥幸河陽更始廩丘王田立降廩丘

東郡城在今濮州雷澤縣北九月辛卯朱鮪舉洛陽城降先是更始

其將朱鮪等堅守洛陽詔廷尉行大將軍事岑彭與大  
司馬吳漢大司空王梁建議大將軍朱祐右將軍萬脩  
執金吾賈復驍騎將軍劉植揚化將軍堅鐔積射將軍  
侯進偏將軍馮異祭遵王霸等圍之數月鮪等不肯下

帝以彭嘗為鮪校尉令往說之鮪在城上彭在城下相勞苦歡語如平生彭因曰彭往者得執鞭侍從蒙薦舉拔擢常思有以報恩今赤着已得長安更始為三王所反皇帝受命平定燕趙盡有幽冀之地百姓歸心賢俊雲集親率大兵來攻洛陽天下之事逝其去矣公雖嬰城固守將何待乎鮪曰大司徒被害時鮪與其謀又諫更始無遺蕭王北伐誠自知罪深彭還具言於帝帝曰夫建大事者不忌小怨鮪今若降官爵可保况誅罰言乎河水在此吾不食言彭復往告鮪鮪從城上下索曰必信可乘此上彭趣索欲上鮪見其誠即許降後五日鮪將輕騎詣彭顧勅諸部將曰堅守待我我若不還諸君徑將大兵上轅轅歸報鄧王鄧王更始將尹尊也鮪面縛與彭俱詣河陽帝即解其縛而釋之復令彭夜送鮪歸城明旦悉其衆出降拜鮪為平狄將軍封扶溝侯

二年八月帝自將征五校幸內黃

縣名屬魏郡今相州縣

大破五



校於弗陽降之

弗陽城名屬魏郡故城在今相州堯城縣東

三年閏正月乙未征西大將軍馮異與赤眉戰於峭底

大破之

峭山名底也一名嶽岑山在今洛川永寧縣西北

餘衆南向宜陽

縣名屬弘

農郡韓國都也故城在今洛州福昌縣東韓城是也

帝自將征之己亥幸宜陽甲

辰親勒六軍大陳戎馬大司馬吳漢精卒當前中軍次

之驍騎武衛分陳左右赤眉望見震怖遣劉恭乞降曰

劉盆子將百萬衆降陛下何以待之帝曰待女以不死

耳樊崇乃將盆子及丞相徐宣以下肉袒降上所傳

國璽綬更始七尺寶劍及玉璧各一積兵甲宜陽城西

與熊耳山齊

宜陽縣故城韓國城也在今洛州福昌縣東洛水之北有熊耳山雙巒競舉狀同熊

耳帝令縣厨賜食衆積困餒十餘萬人皆得飽飲明旦

大陳兵馬臨洛水令盆子君臣列而觀之謂盆子曰自知當死不對曰罪當應死幸上憐赦之耳帝笑曰兒大黠宗室無虫者又謂崇等曰得無悔降乎朕今遣卿歸營勒兵鳴鼓相攻決其勝負不欲彊相服也徐宣等叩頭曰臣等出長安東都門君臣計議歸命聖德百姓可

與樂成難與圖終故不告衆耳今日得降猶去虎口歸

慈母誠歡誠喜無所恨也帝曰卿所謂鐵中錚錚傭人

佼佼者也

錚錚金也鐵之錚錚言微有剛利也佼佼也於凡傭之人稍為勝也

又曰諸卿

大為無道所過皆夷滅老弱溺社稷汚井竈然猶有三

善攻破城邑周徧天下本故妻婦無所改易是一善也

立君能用宗室是二善也餘賊立君迫急皆持其首降

自以為功諸卿獨完全以付朕是三善也乃令各與妻

子居洛陽賜宅人一區田二頃七年冬盧芳所置朔方

太守田廳雲中太守喬扈各舉郡降

八年閏四月潁川盜賊寇沒屬縣九月帝自征潁川盜賊皆降

十四年九月平城人賈丹殺盧芳將尹由來降

魏太祖漢建安四年十二月廬江太守劉勲率衆來降五年十月袁紹遣車運穀使淳于瓊等五人將兵萬餘人送之太祖留將曹洪守自將破瓊紹初使其將張郃高覽攻洪間瓊破遂來降紹衆大潰冀州諸郡多舉城

邑降者

晉元帝時杜弼叛亂帝命王敦陶侃等討之弼請降遺  
應詹書曰天步艱難始自吾州黨流移在於荆土其  
所遇值蔑之如遺頓伏死亡者畧復過半備嘗荼毒足  
下之所鑒也客主難久嫌隙易構不謂樂鄉起變出於  
不意時與足下思散疑結求擒其黨帥惟患筭不經遠  
力不陷堅耳及在湘中懼死求生遂相結聚欲守善自  
衛天下小定然後輸誠盟府尋山公鎮夏口即具陳之

此公鑿開塞之會察窮通之運納吾於衆疑之中非高  
識玄覩孰能若此西州人士得沐浴於清流豈惟滌蕩  
瑕穢乃骨肉之施此公薨逝斯事中廢賢愚痛毒竊心  
自悼欲遣滕永文張休豫詣大府備列起事以來本末  
但恐貪功徇名之徒將讒間於聖主之聽戮吾使於市  
朝以彰叛逆之罪故未敢遣之而甘陶卒至水陸十萬  
旌旗曜於山澤舟艦盈於江湖威則成矣然吾衆竊未  
以為懼晉文伐原以全信為本故能使諸侯歸之陶侃

宣赦書而繼之以進討豈所以崇奉明詔示軌憲於四海哉逼向義之夫以為叛逆之虜蹶思善之衆以拯不赦之責非不戰而屈人之筭也驅略烏合欲與必死者求一戰未見爭衡之機權也吾之赤心貫於明神西州人士卿粗忠之耳寧當令抱枉於時不澄於大府邪昔虞卿不榮大國之相與魏齊同其安危司馬遷明言於李陵雖刑殘而無慨足下抗威千里聲播汶衡進宜為國家思靜難之畧退當與舊白交明枉直之心不亦綽然有餘裕

乎望卿別謗吾箋今時達盟府遣大使光臨使吾得披露  
肝膽沒身何恨哉伏想盟府必結紐於綱紀為立功於  
聖世使吾得廁列義徒負弩前驅迎皇輿於閭闔埽長蛇  
於荒裔雖死之日猶生之年也若欲先清方夏却定中  
原吾得一年之糧便泝流西征夷李雄之逋寇修禹貢  
之舊獻展微勞以補往愆復州邦以謝隣國亦其志也  
惟所裁處耳吾遠州哀士與足下出處殊倫誠不足感  
神交而濟其傾危但顯吾誠則汶嶽荷忠順之恕衡湘



無伐叛之虞降足下宏納之德拯吾徒陷溺之艱焉可  
金玉其音哉然顛顛十餘萬口亦勞瘁於警備思放逸  
於南畝矣衡嶽江湘列吾左右若此言有貳血誠不亮  
益梁受殃不唯鄙門而已詹甚哀之乃啟呈弢書并上  
言曰弢益州秀才素有清望文理既優幹事兼美往因  
使流寓居詹郡界其身心堅白詹所委寃李驥為變樂  
鄉劫畧良善弢時出家財招募忠勇登壇歃血義誠慷  
慨會驥攻燒南平弢遂東流巴漢與湘中鄉人相遇推

其素望遂相馮結論弒本情非首作亂階者也後破湘  
川實弒之罪亦由兵交其間遂使滋蔓按弒今書血誠  
亦至矣昔朱鮪自疑於洛陽光武指河水以明心鮪感  
義歸誠終展力報効受封侯之寵由恕過以錄功也詹  
竊謂今者當厄運之會思弘遠猷故齊赦射鈎之誅晉  
肯斬祛之戮用能濟翼戴之高勲隆一成之美譽况弒  
等素無斯愆而稽顙投命詹以為可遣大使宣揚聖旨  
雲澤沾之於上百姓沐浴於下則上下交泰江左無風

塵之虞矣帝乃遣前南海太守王運受弒降

孝武帝太元十年滎陽人鄭燮以郡來降苻堅國亂使使奉表請救

後魏明元神瑞元年六月晉冠軍將軍太山太守劉研弟輔國將軍領東平太守陽平趙鸞廣威將軍平昌太守羅卓斗城屠各師張文興等率流民七千餘家內屬二年二月晉瑯琊太守劉朗率二千餘家內屬

泰常二年姚泓尚書東武姚敞弟鎮遠將軍僧光右將

軍姚定世自洛來奔是年汝南民胡譚等萬餘家相率  
內屬

九月晉平西將軍荊州刺史司馬休之息譙王文思章  
武王子司馬國璠司馬道賜輔國將軍溫楷竟陵內史  
魯軌荊州治中韓延之殷約平西參軍桓燧及桓溫孫  
道度子渤海刁雍陳郡袁式等數百人來降姚泓凶奴  
鎮將姚成都與弟和都舉鎮來降八年正月河東薛定  
薛輔率五千餘家內屬

獻文天安元年九月宋司州刺史嘗珍竒以懸瓠內屬  
徐州刺史薛安都以彭城內屬宋將張永沈攸之擊安  
都詔比部尚書尉元為鎮南大將軍都督諸軍事鎮東  
將軍城陽公孔伯恭為副出東道救彭城殿中尚書鎮  
西大將軍河西公元石都督荆豫南雍州諸軍事給事  
中京兆侯張窮竒為副出西道救懸瓠

十一月壬子宋兗州刺史畢眾敬遣使內屬

皇興元年宋青州刺史沈文秀冀州刺史崔道固並遣

使請舉州內屬詔平東將軍長孫陵平南將軍廣陵公侯窮竒赴援之

二月詔使持節都督諸軍事征南大將軍慕容白曜督騎五萬次於碣礮為東道後援

孝文太和四年八月以齊角城戍主請舉城內屬詔徐州刺史假梁郡王嘉起赴援之

九月齊汝南太守常元貞龍驤將軍胡青苟率戶內屬八年冬十月齊雙城戍主王繼宗內屬

十八年帝南伐沈文秀文秀族子陵攜族孫智度歸降  
引見於行宮

宣武景明二年齊零陵戍主華侯率戶內屬

三年三月南齊建安王寶寅來降

永平四年四月琅瑯民王萬壽斬梁輔國將軍琅瑯東  
莞二郡太守劉晰首以响山來降徐州刺史盧昶遣琅  
瑯戍主傅文驥率衆援之

延昌二年二月梁郁州民徐玄明等斬送梁鎮北將軍

青冀二州刺史張稷首以州內附詔前南充州刺史樊魯率衆赴之

出帝永熙二年正月梁州刺史曹鳳荊州刺史雷能勝等舉城內屬

後周武帝天和二年閏六月陳湘州刺史華皎率衆來附遣襄州總管衛國公直率柱國綏德公陸通大將軍田弘權景宣元定將兵援之

唐高祖建義隋義寧二年李密之將王君廓以其衆來



降

武德元年六月丙申隋信都郡丞麴稜以冀州來降南  
郡丞呂子臧以郡來降

八月隋趙郡通守張志昂以郡來降

十月景午薛仁果所署尚書左僕射鍾俱仇以河州來  
降

十一月隋東郡丞王軌以滑州來降

十二月李密舊將敬德逸魯彈塵以新鄭來降梁師都

所署定南王賀遂新平以其地來降

二年正月丙寅李密所署伊州刺史張善相遣使來降  
是月我行人魏徵說李密所署魏州總管元寶藏執宇  
文化及將軍於士澄以魏州來降

二月王世充慈澗鎮將裴師亮率其屬來降壬辰王世  
充將賈六郎率衆數千人來降癸巳隋樂安郡丞張志  
靖以郡來降是月李密許州刺史崔樞並遣使來降衛  
州人趙叔機執王世充所署刺史廉循道以州來降

閏三月河內人李厚德殺其殷州長史趙景休以獲嘉  
來降是月王世充慈澗人執其守將賈仁果以城來降  
隋漁陽太守田善集以郡來降甲寅隋夷降郡丞許紹  
率黔安武陵澧陽等諸郡酋帥並遣使來降是月宇文  
化及偽置蜀王宇文士及并其內史令封德彝自濟北  
來降又可達寒賊朱粲遣使請降帝遣前御史大夫段  
確使於朱粲

三月甲戌王公正以安昌丁伯德以濟源背王世充來

降唐辰隋北海通守鄭處符文登縣令惠整東海賊帥  
蔣弘度濟郡賊帥王薄鄆州賊帥霍小漢張青將任州  
賊帥徐師順平陸賊帥張當金壽張賊帥閻漢涉須昌  
賊帥孫善遇並以其地來降丁亥隋渤海郡丞王孝師  
以衆來降王世充彊山鎮將羅注率男女六千人以鎮  
來降丁酉齊州渠帥李義滿率衆三千以章丘來降又  
淮南一十五州遣使來降

四月己亥王世充將宋君德殺其鎮北將軍王文廓率

衆數千以硤石鎮來降甲辰王世充將衛須拔率衆以陟州來降丁未王世充將段德瑗率衆八百來降

七月蕭銑辰州刺史田猷以州來降

八月王世充趙士達率其部及圃田縣並來降

九月王世充將傅才率所部來降

十月王世充將路則率所部來降

三年正月黎州總管李世勣於竇建德中自拔來歸世勣本姓徐李密據洛口以為東海公字文化及之弒逆

也引師北上密遣世勣守黎陽倉化及攻之不尅數月而去密解兵還金墉尋為世充所敗世勣以黎陽之衆北連沼相東極海隅南達淮海盡李密之境並相率來降遇竇建德陷我山東之地進軍攻世勣戰不利力屈降之建德收其父蓋從軍為質乃令世勣復守黎陽世勣與其官屬郭恪柳得文等謀曰地陷父質身為賊首欲立功歸國而力不遂如何郭恪曰今新被賊使動即見疑宜擊世充自展誠効情相體信然後可得行其志

耳世勣然之乃襲破獲嘉虜世充之衆以獻於建德由是親之因又遣人說建德曰曹戴兩州戶口全實賊帥孟海公據有其地聲屬偽鄭內實攜離進兵吞之立便可得既併海公以臨徐兗可不戰而定河南矣建德然之自南略前進其大將曹旦齊善行等領兵渡河世勣以衆會之謀至河南而翻破建德冀得其父總取賊地立功以歸朝遇建德妻產久而不至且在河南多所侵擾李商胡等諸部怨之商胡與世勣素結為兄弟升堂

拜親商胡之母泣謂世勣曰竇家無道如何事之世勣曰願母勿憂待一月內謹當殺取總歸唐國耳世勣辭去母謂其子曰東海公許我共圖此賊事須早斷何用待來事久變生不如即決於是起兵襲破建德水軍方遣人往報世勣世勣與曹旦並營郭恪勸襲旦世勣未能決而旦已知之營中嚴警不可犯於是與恪等馳數十騎來奔高祖大喜遣使者迎勞之

二月辛亥王世充伊闕縣副王三都殺其鎮將以衆來



降

三月己卯王世充將趙知遠許恪奴率其所部來降牂  
州庸州黔州兗州並遣使來降

四月丙辰陝州總管于均自宋金剛所來降

五月癸未長子縣丞長卿斬劉武周安州刺史宋德壽  
來降

八月庚子鄧州豪執王世充所署刺史于剛來降癸卯  
梁師都石堡留守張舉率其男女千餘口來降

九月庚午梁師都督劉晏來降癸酉王世充顯州總管  
田瓚以其部二十五州來降丁丑王世充蔚州刺史時  
德叡以其地來降壬午王世充濮州刺史杜才幹斬其  
滑州行臺僕射景元貞以濮陽來降

十月甲午王世充將張鎮州來降戊戌世充將王舉以  
迴洛東城來降庚戌世充管州總管楊慶以州來降丙  
辰王世充榮州刺史魏陸執世充大將軍張志等四將  
以來降

十二月辛卯河南許亮等十有一州背王世充來降辛丑王世充隨州總管徐毅以其地來降

四年正月丁卯竇建德行臺尚書令胡大恩以大安鎮來降辛巳王世充梁州總管程嘉會以其地來降

二月庚戌王世充兄子大棄河陽而遁其所部將以其城來降乙卯王世充懷州刺史陸善宗以城來降是月王世充將劉元氣以青城宮來降

四月戊午王世充出兵攻竇軌軌師不利賊入其營大

宗率精騎突之所向皆靡獲其大將葛彥璋賊敗績斬首二千餘級降其甲卒萬餘人丙午王世充平州刺史周仲隱以城來降

五月甲子王世充之鞏縣偃師並來降乙丑世充將王德仁棄故洛陽城而遁其亞將趙季卿以城來降戊辰世充率其將吏降洛陽平

庚午周法劄以蘄春等四郡來降壬申洛相魏等州來降

戊寅王世辨以徐宋等三十八州降世充故地悉定竇建德博州刺史王羨來降

壬午竇建德尚書右僕射裴知兵部尚書曹旦等以傳國等八璽來降

六月戊戌蔣善人以鄆州孟噉鬼以曹州來降

七月庚申王世充兄子偽魏王弘烈宋王太行臺右僕射豆盧行瓌左僕射蘇世長以襄州來降以其地置襄

州道

又云龐王京兆涇陽人隋監閭李密之據洛也王統關中精銳以擊之隸於王世充與賊連戰者百

餘陣及密敗歸於東都太宗之徇洛陽王率精兵萬餘來降又云田贇淮安人初為賊帥揚士林長史後為士林所忌懼不自安遂殺士林而叛歸王世充偽署顯州總管尋以地來降復其本土

十月辛卯蕭銑鄂州刺史雷長頴以魯山來降丁酉蕭銑江州總管蓋彥舉以州來降戊申徐圓朗昌州治中劉善行斬總管夏寶以須昌來降

十月己亥隋始安太守李襲志以桂州來降

五年正月丙戌同安賊帥殷恭邃以舒州來降己酉嶺南俚首楊世略以循潮二州來降

二月戊辰金鄉人楊孝誠率衆三千背徐圓劄以城來降

四月戊寅廣州賊帥鄧文進隨合浦太守竄宣平南太守李峻等並遣使來降

五月庚寅瓜州豪右王幹斬賀拔行威來降瓜州方始得平

六年正月己卯饒陽人葛德威執劉黑闥以城降山東悉平

五月癸巳馬邑賊高滿政所部將張天明請降遣右武

衛大將軍李遷以兵援之己亥梁師都將高成即以所

部來降戊午滿政斬突厥二百人以馬邑來降

滿政馬邑人也

劉武周僭號以滿政為將及武周之敗范君章復據馬邑滿政懷歸國之計遂舉兵以襲君章覺變方奔突厥

滿政斬君章之子以城來降

七月辛巳沙州高開道所部弘陽統漢二鎮相率來降

九月乙未西沙州賊帥竇伏明斬賀拔行威以城來降

十月己未逆賊張大智侵洛州刺史田世康益州行臺



尚書卽行方開州刺史冉仁德討之大智以衆來降

太宗貞觀十九年六月征遼是月丁酉攻白巖城李勣  
攻其西南帝臨其西北城主孫伐音潛令腹心人請降  
乃臨堞投石戲以為信曰奴願降其中有主者言曰以  
我旗幟示必降速之城主伐音所遣人得而樹之於城  
高麗以為唐兵登也衆悉從之初遼東之陷也城中懼  
而請降既而中悔帝怒其反覆許以城中人物分賜將  
士至是李勣見且受降率甲卒數十人請於帝曰戰士

奮厲爭先不顧矢石者貪獲虜耳今城垂拔奈何更許其降無乃孤將士之心成黥虜之計帝下馬而謝曰將軍言是也然縱兵殺戮虜其妻孥朕所不忍將軍麾下有功者朕以庫物賞之庶因將軍贖此一城勸乃止遂受降獲士女一萬勝兵一千四百倉廩二萬八千石帝御旌宮於水渚高麗降衆重列而拜者二千餘人優勞之高麗舞躍叫呼聲震山谷命太官賜飧解牲體而羅之不置仍高麗手擘口齧骨肉俱盡城中人年八十以

上賜帛各有差及諸城堡人帝悉加慰諭給以糧仗任其所往城中父老僧尼貢夷酪昆布米餅蕪荑豉等帝悉為少受而賜之以帛高麗喜甚皆仰天下拜曰聖天子之恩非所望也丙辰次於安市城北丁巳高麗高惠真率衆十五萬來援於安市城東南八里而陣帝令李勣率步卒擊之高延壽衆退長孫無忌縱兵乘其後太宗又引軍臨之賊大潰斬首二萬餘級己未高延壽高惠真率三萬六千餘人請降帝引入轅門延壽膝行而

前拜手請命帝謂延壽等曰東夷英少請張海曲至於  
摧堅破敵故當不及老人而今而後更敢與天子戰否  
延壽等咸伏地而不對辭簡釋薩已下及酋首三千五  
百人授以戎秩遷之內地餘人並釋俘放還平壤其謝  
恩於天子並雙舉手以頽頓地懼叫之聲聞數十里外  
收靺鞨三千三百人盡坑殺之獲馬五萬匹牛五萬頭  
光明甲一萬領他戰器械稱是

唐肅宗至德二年十二月安祿山偽御史大夫嚴莊來

降元帥廣平王領送西京賊所侵河東河西諸郡皆歸  
順賊將盡投河北唯熊元皓在北海高秀巖在大同並  
相次送款

乾元元年二月丁卯逆賊孫孝節來降詔百官於朝觀  
之

代宗永泰元年僕固懷恩大將僕固名臣以千餘騎來  
降

大曆十年五月乙未魏州田承嗣部將霍榮國以磁州

歸順是年十一月田承嗣所營瀛州刺史希光失其姓以城降有兵萬餘人積穀二十萬斛

後唐莊宗初為晉王討幽州劉守光天祐十年二月東北面行營周德威上言蘇州降將成行言陳萬遠羅景溫來降

三月乙丑幽州劉守光將張方信賈全節挈族二百五十口來降

四月甲申劉守光將李暉王行安王元迪王行周李

在殷王文豐延陵位劉行遇楊令暉劉行宇王元福尹  
謙李暉段文祐李行禮馬令紹賈從暉韓令珪等並攜  
家屬來降周德威引軍逼幽州南門賊將鄭宗遇王居  
休趙行立擲賽管丙來降

七月壬子劉守光將楊師貴等五十人來降

八月賊將李進劉建章劉唐珪張在禮劉敬德等來降  
九月燕將史德讓衛章李彥暉董行立等來降

十月燕將王居爽軍使孟在章一百六十人來降

十五年八月己酉梁兗州節度使張萬進遣使歸款

同光元年八月帝自鄴御軍至朝城與梁軍相遇戊戌

梁將左右先鋒指揮康延孝領騎百人來投

延孝本晉陽人家世

部族少隸太祖軍負罪奔於梁漸至偏袒性剛烈負氣不居人下知梁朝終敗來奔帝虛懷引見賜御錦袍玉

帶屏人問之對曰臣竊觀汴人兵衆不少論其君臣將校終見敗亡趙巖趙鵠張漢傑居中專政締結宮掖賄

賂公行每命一統軍必先入金銀千錠不由勲德以賂取人段凝智勇俱無一朝便為大將是由入銀為賂使

付兵權霍彥威王彥章皆宿將名臣却出其下切齒側目勢不奈何自將兵已來率歛行伍曲心事賂阿媚取

容自彥章獲德勝齒城梁主亦稍獎使此人立性剛暴不奈凌制梁主每一發軍即令近臣監當進止可否悉



取監臨處分彥章悒悒形於顏色自通津失利段凝彥章又獻謀策欲數道舉軍令董璋以陝虢澤潞之衆趨石會關以寇太原霍彥威統關西汝洛之衆自衛相邢洛以寇鎮定段凝杜晏球領大軍以攻鄆州決取十月大舉又自滑州南決破河堤使水東注曹濮之間至於汝陽瀾漫不絕以限北軍臣在南中側聞此議臣亦料其兵力聚則不少分則無餘陛下但待彼分却諸軍領鐵騎五千自鄆州移程直抵宋汴不旬日天下事定斷曰不疑且密諭藩鎮各令戒嚴餘無憂矣帝憚然壯其陳述然聞汴軍大舉心亦憂之延孝之來其母妻子在滑密約同奔及延孝至亦自滑浮舟東下至於鄆城

晉高祖天福元年閏十一月己卯車駕至河陽北節度使長從簡來降

三年八月魏府軍前澶州刺史馮暉自遶城來降

九月己酉宮苑使焦繼勳自軍前押魏博節度使范延光牙將馬諤齋歸命待罪表到闕壬子延光領部下兵士素服於本府門俟命有詔釋罪

六年九月十一日以襄州投降賊軍馬軍七百餘人名彰順步軍一千一百餘人名歸順並令汝州收管

開運元年十二月青州楊光遠降光遠子承勳等斬觀察判官丘濤牙將白延祚楊瞻杜延壽等首級送於招

討使李守貞乃縱火大譟劫其父於私第以城納款遣  
即墨縣令王德柔貢表待罪楊光遠亦遣節度判官楊  
麟奉表請死詔釋之

漢高祖即位稱天福十二年五月車駕離晉陽澤州刺  
史翟令奇以郡來降至絳州本州刺史李從朗以郡降  
初契丹遣偏校成霸卿曹可璠等守其郡帝建義之始  
不時歸命及車駕至帝耀兵於城下不令攻擊從朗等  
遂降

周太祖初為漢樞密使以乾佑元年奉命討李守貞五月九日賊河西水砦主周光遜以砦及將校兵士一千一百三十二人來降賊南面都監王仁岳之下十六人指揮使石公進草賊都頭惡長官聶知遇王三鐵之下十六人副兵馬使軍頭十將長行共一千四十七人賊火城內乘船投來都頭劉瓊安建武之下三十七人並來奔十日太祖率騎部領降將周光遜等兵士三千人入長連城以徇尋有賊職員八人來奔其夜又賊將胡進

超已下三百餘人歸

世宗顯德元年三月親征河東四月乙卯河中節度使  
王彥超上言偽汾州防禦使董希顏以城歸順丙辰偽  
遼州刺史張漢超以城歸順先帝遣萊州防禦使康延  
紹率師討遼州又遣密州防禦使田瓊率師攻沁州先  
以宣旨招諭如不受命即進軍伐之二州皆拒命延紹  
及瓊請益兵及治攻具以迫之帝可其奏各益之以步  
卒三千仍詔主將期以三日克之是日田瓊遣潞州行

軍司馬安友規上言沁之禦備甚堅賊皆死戰攻取未  
下帝暴怒疑其逗撓亟命延駕欲親至其所羣臣以偏  
郡孤危請車駕不行會中使自遼州至言賊城已歸順  
乃止五月丙子偽代州防禦使鄭處謙上表歸順時契  
丹大將楊衮自高平之敗奔至代州及聞王師至太原  
意處謙等有變謀奪其州一日立召處謙計事處謙懼  
不敢赴衮使虜騎數十守其城門處謙與軍民共擊殺  
之因閉壁以拒衮戎遣使歸命且乞援兵時劉崇所署

偽樞密直學士王得中自虜中使迴至代州遇變亦上

表歸命

二年王師伐蜀九月癸丑西南面都監向訓上言秦州

以城降初鳳州重圍既合日已危感蜀人乃遣偽秦州節度使高處儔領兵自秦州出將解鳳州之圍

處儔聞堂倉之敗且懼追兵將至因潰歸秦州偽觀察判官趙毗閉城拒之處儔遂西遁此澶州人也初補集

賢院書吏後調選出官因從知於階成間運末戎虜盜國節度使何建以城入蜀後受偽命為秦州觀察判

官及聞處儔敗走盡召秦州官屬諭之曰今大朝兵甲無敵於天下自用師西征戰無不勝蜀中所遣將校皆

武勇者所發兵士皆驍銳者然殺戮逃遁之外幾無孑遺我輩安坐受其禍去危就安當在今日聞者皆俯伏

聽命玘遂  
以城降

四年再征淮西三月辛卯夜偽監軍使朱元賊將朱仁裕孫璘等相次各舉其砦來降其卒萬餘衆帝慮其餘黨沿流東潰遽令步將趙晁率舟師數千沿淮而下逐之

十二月帝幸淮上乙卯泗州守將范再遇以其城降獲降卒三千餘人庚申招討使李重進上言偽濠州團練使郭延謂已下以其城降濠州平降其卒萬餘衆獲軍



糧數萬石乙丑漣水縣偽雄武軍使知縣事崔萬迪以  
其縣來降

六年幸滄州四月辛丑次益津關偽守將終廷輝以其  
城來降

癸卯至瓦橋關偽守將姚內斌率其部衆五百餘人以  
城來降入於瓦橋關駐蹕於行宮甲辰偽鄭州刺史劉  
信上表歸順

冊府元龜卷一百二十六

欽定四庫全書

冊府元龜卷一百二十七 宋 王欽若等 撰

帝王部

明賞

夫賞國之典也所以褒有功勸能者為國之大柄藏在盟府而不可廢焉歷代而下致治之后曷嘗不旌勞顯庸錄勤聳善報之以封爵寵之以名秩賚之以金帛賜之以車服頒之於公朝而不僭載之於史策而弗忘是

故懋功之義明而邦典有叙為善之效速而人倫知勸  
蓋周官之以庸制祿先王之加膳飲賜率是道也其百  
世所不易者哉

周惠王二年五大夫奉子頹以伐王王奔溫冬立子頹  
明年鄭伯殺子頹王與之武公之畧自虎牢以東

畧界也鄭

武公傳平王賜之自虎牢以東後失其  
地故惠王令復與之虎牢河南成皋縣

漢高祖四年令侯公說項羽羽與漢約中分天下歸太  
公呂后軍皆稱萬歲乃封侯公為平國君

五年項羽兵敗自劉王翳取其頭亂相蹂躪爭羽相殺者數十人最後楊喜呂馬童郎中呂勝楊武各得其一體故分其地以封五人皆為列侯

是年漢王即皇帝位論功行封羣臣爭功歲餘不決帝以蕭何功最盛先封為鄜侯食邑八千戶羣臣皆曰臣等身被堅執銳多者百餘戰少者數十合攻城略地大小各有差今蕭何未有汗馬之勞徒持文墨議論不戰顧居臣等上何也

顧猶反也

帝曰諸君知獵乎曰知之知獵

狗乎曰知之帝曰夫獵追殺獸者狗也而發縱指示獸

處者人也

發縱謂解絙而放之也指示者以手指示之今俗言放狗縱音子用反而讀者乃為蹤蹟

之蹤非也書本皆不為蹤字自有逐蹤之狗不待人發也

今諸君徒能走得獸耳功

狗也至如蕭何發縱指示功人也且諸君獨以身從我

多者三兩人蕭何舉宗數十人皆隨我功不可忘也羣

臣皆莫敢言列侯非已受封秦位次皆曰平陽侯曹參

身被七十創攻城略地功最多宜第一帝已撓功臣言

多封何至位次未有以復難之然心欲何第一關內侯

鄂千秋時為謁者進曰羣臣議皆誤夫曹參雖有野戰

略地之功此特一時之事夫帝與楚相距五歲失軍亡

衆跳身遁者數矣

跳身謂輕身走出也

然蕭何常從關中遣軍補

其處非帝所詔令召而數萬衆會帝乏糧者數矣夫漢

與楚相守滎陽數年軍無見糧蕭何轉漕關中給食不

乏陛下雖數亡山東蕭何常全關中以待陛下此萬世功

也今雖無曹參等百數何缺於漢

數音所具反

漢得之不必

待以全奈何欲以一旦之功加萬世之功哉蕭何當第

一曹參次之帝曰善於是乃令何賜帶劍履上殿入朝  
不趨帝曰吾聞進賢受上賞蕭何功雖高待鄂君迺益  
明於是因鄂千秋故所食闕內侯邑二千戶封為安平  
侯是日悉封何父母兄弟十餘人皆食邑

公孫戎高祖東園項羽聞樊噲反旄頭公孫戎明之卒  
不反封戎二千戶

孝文元年十月詔曰前呂產自置為相國呂祿為上將  
軍擅遣將軍灌嬰將兵擊齊欲代劉氏嬰留滎陽與諸

侯合謀以誅呂氏呂產欲為不善丞相平與太尉勃等

謀奪產等軍朱虛侯章首先捕斬產太尉勃身率襄平

侯通

通紀也

持節承詔入北軍典客揭

揭劉揭也

奪呂祿印其

益封太尉勃邑萬戶賜金五千斤丞相平將軍嬰邑各

三千戶金二千斤朱虛侯章襄平侯通邑各二千戶金

千斤封典客揭為楊信侯賜金千斤六月修代來功自代

時來有功者詔曰方大臣誅諸呂迎朕朕狐疑皆止朕狐之為獸

其性多疑每渡冰河且聽且渡故言疑者而稱狐疑唯中尉宋昌勸朕朕已得保



宗廟以尊昌為衛將軍其封昌為壯武侯諸從朕六人  
皆至九卿又曰列侯從高祖入蜀者六十八人益邑各  
三百戶吏二千石以上從高祖潁川守尊等十人食邑  
六百戶淮陽守申屠嘉等十人五百戶衛尉定等十人

四百戶

申屠嘉從高祖擊項籍遷為隊率從擊黥布為都尉孝惠時為淮陽守至是舉故以二千石從

高祖者悉以為關內侯食邑二十四人而加食邑五百戶

武帝元朔元年車騎將軍衛青出雲中取河南地為朔  
方郡以三千八百戶封青為長平侯校尉蘇建為平陵

侯張次公為岸頭侯帝曰匈奴逆天理亂人倫暴長虐

老以盜竊為務行詐諸蠻夷造謀籍兵數為邊害

從蠻夷借

兵鈔邊故興師遣將以征厥罪詩不云予薄伐玁狁至于

太原出車彭彭城彼朔方今車騎將軍青度西河至高

關獲首二千三百級車輜畜產畢收為鹵已封為列侯

遂西定河南地案榆谿舊塞

上郡之北有諸次山諸次水出焉東經榆林塞為榆

谿言軍尋此塞而行也

絕梓嶺梁北河討蒲泥破符離

絕度也為北河作橋

梁也蒲泥符離二王號也符離塞名

斬輕銳之卒捕伏聽者

伏於隱者聽軍虛實

三

千一十七級執訊獲醜毆馬牛羊百有餘萬全甲兵而  
還益封青三千八百戶

五年春車騎將軍衛青將三萬騎出高闕衛尉蘇建為

游擊將軍左內史李沮為彊弩將軍

沮音組

太僕公孫賀

為車騎將軍代相李蔡為輕車將軍皆領屬車騎將軍

俱出朔方大行李息岸頭侯張次公為將軍俱出右北

平匈奴右賢王當青等兵以為漢兵不能至此飲醉漢

兵夜至圍右賢王右賢王驚夜逃獨與其愛妾一人騎

數百馳潰圍北去漢輕騎校尉郭成等追數百里弗得

得右賢裨王十餘人

裨王小王也若言裨將也裨音頻移反

衆男女萬五

千人畜數十百萬

數十萬以至百萬以

於是引兵而還至塞天子

使使者持大將軍印即軍中拜青為大將軍

即就也

諸將

皆以兵屬立號而歸帝曰大將軍躬率戎士師大捷獲

匈奴王十有餘人益封青八千七百戶而封青子伉為

宜春侯

伉音抗又音工師反

子不疑為陰安侯子登為發干侯青

固謝曰

固謂再三也

臣幸得待罪行間賴陛下神靈軍大捷

皆諸校力戰之功也陛下幸已益封臣青臣子在襁褓中未有勤勞上幸裂地封為三侯非臣待罪行間所以勸士力戰之意也伉等三人何敢受封帝曰我非忘諸校功也今固且圖之乃詔御史曰護軍都尉公孫敖三

從大將軍擊匈奴常護軍傅校獲王

傅請曰附言教總護諸軍每附部校

以至克捷而獲王也校者營壘之稱故謂軍之一部為一校或曰幡旗之名非也每軍一校或別為幡耳不名

也校封教為合騎侯

猶冠軍從票之名也

都尉韓說從大軍出竇渾

塞名也竇音田渾音魂

至匈奴右賢王庭為戲下

戲讀曰魔又音許宜反言在大

將軍渾旗之下也

搏戰獲王封說為龍額侯

額字或作額

騎將軍賀

從大將軍獲王封賀為南甯侯

茂陵中書云南甯侯此本字也甯音普教反奔

亦同

輕車將軍李蔡再從大將軍獲王封蔡為樂安侯

校尉李朔趙不虞公孫戎奴各三從大將軍獲王封朔為

陟軹侯不虞為隨成侯戎奴為從平侯將軍李沮李息

及校尉豆如意中郎將綰皆有功賜爵闕內侯沮息如

意食邑各三百戶校尉張騫以知水草處得不乏封博

望侯

元狩三年霍去病為驃騎將軍將萬騎出隴西有功帝

曰驃騎將軍率戎士隃烏鞮

隃與踰同鞮古辰字也烏鞮山名也

討遼濮

遼古速字也遼濮  
匈奴部落名也

涉狐奴

水名也

歷五王國輜重人衆懾

讐者弗取

懾讐謂振動失志氣言距戰者  
誅服者則赦也讐音之涉反

幾獲單于子

幾音巨轉戰六日過焉支山千有餘里合短兵鏖皋蘭

衣反下鏖字本從金鹿聲轉寫訛耳鏖謂苦擊而多殺也皋  
蘭山名也言苦戰於皋蘭山下而多殺虜也鏖音意

曹反今俗猶謂打擊之甚者曰鏖殺折蘭王斬盧侯王

折蘭匈奴中姓也今鮮卑有是

蘭姓者即其種也折音上列反銳捍者誅全甲獲醜執渾邪王子及相

國都尉捷首虜八千九百六十級收休屠祭天金人

之今

佛像是也休音許虬反屠音儲

師率減什七

漢兵失亡之數下皆類此也

益封去病

二千二百戶其夏去病出北地遂深入合騎侯失道不

相得去病至祁連山

祁連山即天山也匈奴呼天為祁連祁音上夷反

捕首虜

甚多帝曰票騎將軍涉鈞耆濟居延

鈞耆居延皆水名也淺曰涉深曰濟

涉謂人馬涉渡也濟謂以舟船也

遂臻小月氏攻祁連山揚武乎鱧得

鱧得匈奴中地名張掖縣轉取其名耳

得單于單栢會涂王

單栢會涂皆胡王也會音

才由反涂音塗

及相國都尉以衆降下者二千五百人可謂能



舍服知成而止矣捷首虜三萬二百獲五王王母單于

闕氏王子五十九人相國將軍當戶都尉六十三人師

大率減什三益封去病五千四百戶賜校尉從討小月

氏者爵左庶長鷹擊司馬破奴趙破奴再從票騎將軍斬

邀濮王捕稽且王且音子右千騎將王王母各一人王

子以下四十一人捕虜三千三百三十人前行捕虜千

四百人前行謂在軍之前而行封破奴為從票侯從票騎將軍有功因以為號

校尉高不識從票騎將軍捕呼于者王王子以下十一

人捕虜千七百六十八人封不識為宜冠侯校尉僕多

有功封為煇渠侯其秋渾邪降去病將兵往迎之於是

帝嘉去病之功曰票騎將軍去病率師征匈奴西域王

渾邪王及厥眾萌咸犇於率

萌字與吐同  
犇古奔字也

以軍糧接食

并將控弦萬有餘人

言能引弓  
皆堪戰陳

誅獍悍

獍行輕貌也  
字或作超悍勇

也獍音丘昭反  
又音丘召反捷首虜八千餘級降異國之王三十二

戰士不離傷

離也

遭十萬之衆畢懷集服仍興之勞爰及

河塞庶幾亡患

重興軍旅之勞及北河沙塞  
之表可得寧息無憂患也

以千七百

戶益封票騎將軍減隴西北地上郡戍卒之半以寬天下  
繇役迺分處降者於邊五郡故塞外而皆在河南因其  
故俗為屬國

四年霍去病出征匈奴騎兵車重與大將軍軍等

重直用反

而亡裨將悉以李敢等為大校當裨將出代右北平二  
千餘里直左方兵

直當也

所斬捕功以多於青既皆還帝

曰票騎將軍去病率師躬將所獲葷狁之士

堯曰獯鬻周曰獯狁

秦曰匈奴葷狁字與熏同

約輕齋絕大幕涉獲單于章渠

章渠單于之近臣也

涉水而以誅北車者王統轉擊左大將雙獲旗鼓歷度

難侯山名濟弓盧水名獲屯頭王韓王等三人皆匈奴王統

將軍相國當戶都尉八十三人封狼居胥山禪於姑衍

登臨翰海積土增山曰禪為禪祭地曰禪執訊獲醜七萬有四百四十

三級師率減什二取食於敵卓行殊遠而糧不絕以五

千八百戶益封票騎將軍右北平太守路博德屬票騎

將軍會輿城不失期從至檮余山檮音籌其字從木斬首捕虜

二千八百級封博德為邳離侯北地都尉衛山從票騎

將軍獲王封山為義陽侯故歸義侯因淳王復陸丈樓

剽王伊即鞞

剽音之充反  
鞞音居言反

皆從票騎將軍有功封陸丈

為壯侯伊即鞞為衆利侯從票侯破奴昌武侯安稽從  
票騎有功益封各三百戶漁陽太守解校尉敢皆獲鼓  
旗賜爵關內侯解食邑三百戶敢二百戶校尉自為爵  
左庶長軍吏卒為官賞賜甚多而青不得益封吏卒無  
封者唯西河太守常惠雲中太守遂成受賞遂成秩諸  
侯相賜食邑二百戶黃金百斤惠爵關內侯

元封元年東粵王餘善反遣橫海將軍韓說出句章樓

船將軍楊僕出武林討東粵發兵距險使狗北將軍守

武林敗樓船軍數校尉殺長史樓船軍卒錢塘棧終古

斬狗北將軍等

會稽縣也棧姓終古名也棧音亥

封為語兒侯

越中地也今吳

南亭是語字或作禦其音同也

自兵未往故粵衍侯吳陽前在漢漢使

歸諭餘善不聽及橫海軍至陽以其邑七百人反攻粵

軍於漢陽及故粵建成侯敖與繇王居股謀俱殺餘善

以其衆降橫海軍封居股為東成侯萬戶封敖為開陵

侯封陽為卯石侯橫海將軍說為按道侯橫海校尉福

為繚嬰侯

繚音遼嬰音於耕反

福者城陽王子故為海常侯坐法

從軍爵亡故以宗室故侯及東粵將多軍

多軍名

漢兵至

棄軍降封為無錫侯故甌落將左黃同斬西于王封為

下鄜侯

鄜音郭

二年左將軍荀彘等擊朝鮮王右渠朝鮮相陶啖路人  
皆亡降漢路人道死三年夏尼谿相參迺使人殺朝鮮  
王右渠來降王守險城未下故右渠之大臣成己又反

覆改變左將軍使右渠子長

右渠之子名長

降相路人子最

相路

人前已降漢而死於道故謂之降相最者其子名

告諭其民誅成已故遂定朝

鮮為貞番臨屯樂浪玄菟四郡封參為澧清侯

澧音獲陶

為秋苴侯

功臣表秋苴屬渤海苴音千餘反

啖為平州侯長為幾侯最

以父死頗有功為涅陽侯

太初四年貳師將軍李廣利斬大宛王首獲汗血馬來

乃下詔曰匈奴為害久矣今雖徙幕北與旁國謀共絕

大月氏使遮殺中郎將江故鴈門守攘危須以西及大



宛皆合約殺期門車令

危須國名也漢使期門郎也車令姓名也

中郎將朝

及身毒國使隔東西道貳師將軍廣利征討厥罪伐勝

大宛賴天之靈從沂河北涉流沙通西海山雪不積士

大夫徑度獲王首虜珍怪之物畢陳於闕其封廣利為

海西侯食邑八千戶又封斬郁成王者趙弟為新時侯

軍正趙始成功最多為光祿大夫上官桀敢深入為少

府李哆有計謀為上黨太守

哆音昌野反

軍官吏為九卿者

三人諸侯相郡守二千石百餘人千石以下千餘人奮

行者官過其望以適過行者皆黜其勞適讀曰適士卒賜直

四萬錢

或以他財物充之故曰直

征和二年戾太子反軍敗武帝曰侍郎莽通獲反將如

侯長安男子景建從獲少傅石德可謂元功矣大鴻臚

商丘成力戰獲反將張光其封通為重今侯建為德侯

成為程侯

程音妬在濟陰城武今有亭

戾太子兵敗亡至湖

湖縣名今號州

閔鄉湖城二縣皆其地也

臧匿泉鳩里

泉鳩水今在閔鄉縣東南十五里見有戾太子家在澗水

也主人家貧常賣屨以給太子太子有故人在湖聞其

富贍使人呼之

贍足也

而發覺吏圍捕太子太子自度不

得脫

度音大各反

即入室距戶自經山陽男子張富昌為卒

足蹋開戶新安令史李壽趨抱解太子主人公遂格鬪

死皇孫二人皆并遇害上既傷太子乃下詔曰蓋行疑

賞所以申信也其封李壽為邗侯

邗在河內為其解救太子也邗音于

張

富昌為題侯

三年城父令公孫勇與客胡倩等謀反倩詐稱光祿大

夫從軍騎數十言使督盜賊止陳留傳舍太守謁見欲

收取之淮陽太守田廣明覺知發兵皆捕斬焉而公孫  
勇衣繡衣乘駟馬車至圍圍使小吏侍之亦知其非是  
守尉魏不害與廐嗇夫江德尉史蘇昌共收捕之帝封  
不害為當塗侯德轅陽侯昌蒲侯初四人俱拜於前小  
吏竊言武帝問言何對曰為侯者得東歸不帝曰汝欲  
不貴矣言汝意欲歸不吾今  
貴汝謂賜之爵也女鄉名為何對曰名遺鄉  
帝曰用遺汝也遺弋  
季反於是賜小爵闕內侯食遺鄉六

百戶

後元元年侍中僕射馬何羅與弟重合侯通謀為逆

音莽

莫戶反

霍光與金日磾上官桀等共誅之功未錄武帝遺

詔封金日磾為秬侯上官桀為安陽侯光為博陸侯

大博

陸平取其嘉名無此縣也食邑北海河東城

皆以前捕反者功封

昭帝始元六年使匈奴移中廐監

移中廐名

蘇武至京師詔

武奉一太牢謁武帝園廟拜為典屬國秩中二千石賜

錢二百萬公田二頃宅一區常惠徐聖趙中根皆拜為

中郎賜帛各二百匹其餘六人老歸家賜錢十萬復

終身

復音方  
日反

武自孝武時使匈奴留單于庭十九年帝

即位匈奴與漢和親遣使求武等單于召會武官屬

會謂

集聚也

前以降及物故凡隨武還者九人

物故謂死也言其同於鬼物而

故也一說不欲斥言但云其所服用之物皆已故耳而說者妄欲改物為勿非也

故有是命

元鳳元年十月誅上官桀等詔曰左將軍安陽侯桀票

騎將軍桑落侯安御史大夫桑弘羊皆數以邪枉干輔

政大將軍不聽而懷怨望與燕王通謀置驛往來相約

結燕王遣壽西長孫縱之等賂遺長公主丁外人謁者

杜延年大將軍長史公孫遺等交通私書共謀令長公  
主置酒伏兵殺大將軍光徵立燕王為天子大逆毋道  
故稻田使者燕倉先發覺以告大司農敞敞告諫大夫  
延年延年以聞丞相徵事任宮手捕斬桀丞相少史王  
壽誘將安入府門皆已伏誅吏民得以安封延年倉宮  
壽皆為列侯

三年匈奴遣右賢王犁汗王入寇張掖都尉大擊破之  
屬國千長義渠王騎士射殺犁汗王

千長者千人之長

賜黃金

二百斤馬二百匹因封為犁汗王屬國都尉郭忠封成安侯

四年詔曰度遼將軍范明友前以羗騎校尉將羗王侯君長以下擊益州反虜後復率擊武都反氏今破烏桓斬虜獲生有功其封明友為平陵侯

平樂廐監傅介子使西域刺殺樓蘭王持首還詣闕公卿將軍議者咸嘉其功帝迺下詔曰樓蘭王安歸嘗為匈奴間候遮殺漢使者

言為匈奴之間使而候伺

發兵殺略衛司馬安



樂光祿大夫忠期門郎遂成等三輩及安息大宛使盜

取節印獻物

此安息大宛遠遣使獻漢而樓蘭王使人盜取所獻之物大宛等使所獻也樓蘭既

殺漢使又殺諸國使者

甚逆天理平樂監傅介子持節使誅斬樓

蘭王安歸首縣之北闕以直報怨

論語以直報怨以德報德言怨於我者則

直道而報之故詔引之也

不煩師衆其封介子為義陽侯食邑七百

戶士刺王者皆補侍郎

宣帝本始元年論定策功益封大將軍光萬七千戶車

騎將軍光祿勳富平侯安世封益萬戶丞相陽平侯義

度遼將軍平陵侯明友前將軍龍額侯增太僕建平侯  
延年太常蒲侯昌諫大夫宜春侯譚當塗侯平杜侯屠  
耆堂長信少府關內侯勝邑戶各有差封御史大夫廣  
明為昌永侯後將軍充國為營平侯大司農延年為陽  
城侯少府樂成為爰氏侯光祿大夫遷為平丘侯賜右  
扶風德典屬國武廷尉光宗正德大鴻臚賢詹事畸光  
祿大夫吉京輔都尉廣漢爵皆關內侯德武食邑

舊關內侯

無邑也以蘇武守節外國劉德宗室俊彥故特令食邑  
又傳云帝即褒賞大臣田延年以定策安宗廟益戶三

千三百與始封所食邑凡四千三百戶詔有司論定策  
功大司馬大將軍光功德過太尉絳侯周勃車騎將軍  
安世丞相楊敞功比丞相陳平前將軍韓增御史大夫  
蔡誼功比穎陰侯灌嬰太僕杜延年功比朱虛侯劉章  
後將軍趙充國大司農田延年少  
府史樂成功比典客劉揭遂封侯

地節四年霍氏誅下詔曰大司馬禹與母顯及從昆弟  
諸婿謀為大逆男子張章先覺發以語期門董忠忠告

左曹楊惲惲告侍中金安上惲召見對狀後章上書以

聞侍中史高與金安上建發其事言其立意發之言無入霍氏

禁聞卒不得遂其謀遂成也皆雖有功讎等也言其功相等類也封章

為博成侯忠高昌侯暉平通侯安上都成侯高樂陵侯

安上為侍中頗與發舉楚王延壽反謀賜爵闕內侯食邑三百戶後霍氏反安上傳禁門闔無內霍氏親屬封

為都成侯

元帝永光二年秋隴西羗多姐旁種反以光祿勳馮奉

世為右將軍擊之任千秋為奮武將軍以助焉羗虜大

破斬首數千級餘皆出走塞明年二月奉世還京師更

為上將軍光祿勳如故錄功拜爵下詔曰羗虜桀黠賊

吏民攻隴西府寺燔燒置亭

置謂直驛之所

絕道橋甚逆天道

左將軍光祿勳奉世前將兵征討斬捕首虜八千餘級  
鹵馬牛羊以萬數賜奉世爵闕內侯食邑五百戶黃金  
六十斤將校三千餘人皆拜

成帝永始二年十二月詔曰前將作大匠萬年知昌陵  
卑下不可為萬歲居奏請營作建置郭邑妄為巧詐積

土增高多賦斂繇役興卒暴之作卒讀曰猝謂急也卒徒蒙辜

死者連屬屬音之歛反百姓罷極天下匱竭罷讀曰疲匱空也竭盡也常

侍閤前為大司農中丞數奏昌陵不可成侍中衛尉長

數白宜早止徙家反故處

長淳于長也

朕以長言下閱章

以衛

尉長數白罷故因下閱請奏罷作之章

公卿議者皆合長計首建至策閱

典主省大費

司農中丞主錢穀顧庸故謂典主

民以康寧閱前賜爵闕

內侯黃金百斤其賜長爵闕內侯食邑千戶闕五百戶

三年十一月尉氏男子樊並等十三人謀反

尉氏陳留之縣殺

陳留太守劫略吏民自稱將軍徒李譚等五人共格殺

並等皆封為列侯

哀帝以綏和二年四月即位六月詔曲陽侯根前以大

司馬建社稷策益封二千戶

王根也建議立  
哀帝為太子

太僕安陽

侯舜輔道有舊恩益封五百戶王舜及丞相孔光大司  
空汜鄉侯何武益封各千戶

後漢光武建武二年正月甲子吳漢率大司空王梁建  
義大將軍朱祐大將軍杜茂執金吾賈復揚化將軍堅  
鐔偏將軍王霸騎都尉劉隆馬武陰識共擊檀鄉賊於  
鄴東鄆水上大破之降者十餘萬人帝使使者璽書定  
封漢為廣平侯食廣平斤漳曲周廣年凡四縣庚辰詔

曰人情得足苦於放縱快須臾之欲忘慎罰之義惟諸將業遠功大誠欲傳於無窮宜如臨深淵如履薄冰戰慄慄日慎一日其顯効未酬名籍未立者大鴻臚趣上朕將差而錄之

六年二月大司馬吳漢拔朐獲董憲龐萌山東悉平諸將還京師置酒賞賜

是年竇融為涼州牧與弟奉車都尉友從弟太中大夫士共擊隗囂衆大潰城邑皆降帝高融功下詔以安豐



陽泉蓼安安風四縣封融為安豐侯弟友為顯親侯遂  
以次封諸將帥武鋒將軍竺曾為助義侯武威太守梁  
統為成義侯張掖太守史苞為褒義侯金城太守庫鈞  
為輔義侯酒泉太守辛彤為扶義侯封爵既畢乘輿東  
歸悉遣融等西還所鎮

十三年夏四月大司馬吳漢自蜀還京師於是大饗將

士班勞策勲

班布也謂偏布勞來之其有功者以策書紀其勲也勞音力到反

功臣增

邑更封凡三百六十五人其外戚恩澤封者四十五人

明帝永平十三年男子燕廣告楚王英有逆謀英自殺  
於是封燕廣為折姦侯

周澤為太常後北地太守廖信

廖音力  
弔反

坐貪穢下獄没入

財產明帝以信藏物班諸廉吏唯澤及光祿勳孫堪大  
司農常冲特蒙賜焉是時京師翕然在位者咸自勉勵  
章帝建初元年耿恭為戊巳校尉北匈奴圍之恭固守  
漢遣兵迎之及恭至雒陽鮑昱奏恭節過蘇武宜蒙爵  
賞於是拜為駙都尉以恭司馬石修為雒陽市丞張封

為雍營司馬軍吏范羗為共丞

共今衛州  
共城縣

餘九人皆補

羽林恭母先卒及還追行喪制有詔使五官中郎將齋

牛酒釋服

和帝永元二年七月車騎將軍竇憲既破北單于乃振  
旅還京師于是大開倉府勞賜士吏其所將諸郡二千  
石子弟從征者悉除太子舍人

安帝永初二年西羌零昌種眾寇益州遣中郎將尹就  
將南陽兵因發益部郡諸屯兵擊零昌黨呂叔都等至

秋蜀人陳省羅橫應募刺殺叔都皆封侯賜錢

五年鄧遵募上郡全無種羗雕何等刺殺狼莫賜雕何為羗侯封遵武陽侯三千戶

其年漢陽人杜琦及弟季貢同郡王信等與羗通謀聚入上邽城琦自稱安漢將軍於是詔購募得琦首者封列侯賜錢百萬羗胡斬琦者賜金百斤銀二百斤漢陽太守趙博遣刺客杜習刺殺琦封習討姦侯賜錢百萬順帝初為太子安帝延光三年車騎將軍閻顯中常侍

江京等構陷帝廢為濟陰王明年北鄉侯薨中常侍孫程等迎帝於德陽殿西鍾下即位近臣尚書以下從輦幸南宮者皆增秩賜布各有差

郭鎮為尚書及中黃門孫程誅江京等立帝鎮率羽林士擊殺閻景以成大功再遷尚書令太傅三公奏尚書鎮冒犯白劍手刃賊臣姦黨於滅宗廟以寧功比劉章

章齊王肥子也高帝孫誅諸呂有功封朱虛侯

宜顯爵土以勵忠貞乃封鎮為

定穎侯食邑二千戶

桓帝延熹二年八月詔曰梁冀姦暴濁亂王室孝質皇

帝聰敏早茂冀心懷忌畏私行殺毒永樂太后親尊莫

二

和平元年有司奏太后所居皆以永樂為稱置官屬太僕少府焉

冀又遏絕禁還京

師使朕離母子之愛隔顧復之恩禍害深大罪釁日滋  
賴宗廟之靈及中常侍單超徐璜具瑗左悺唐衡尚書  
令尹勲等激憤建策內外協同漏刻之間桀逆梟夷斯  
誠社稷之祐臣下之力宜班慶賞以酬忠勲其封超等  
五人為縣侯勲等七人為亭侯

獻帝建安元年車駕歸洛陽封衛將軍董承輔國將軍  
伏完侍中丁冲种輯尚書僕射鍾繇尚書郭溥御史中  
丞董分彭城相劉艾馮翊韓斌東郡太守楊眾議郎羅  
郡伏德趙蕤等十三人為列侯賞有功也

魏太祖以建安十二年春二月下令曰吾起義兵誅暴  
亂於今十九年所征必克豈吾功哉乃賢士大夫之力  
也天下雖未悉定吾當要與賢士大夫共定之而專饗  
其勞吾何以安焉其促定功行封於是大封功臣二十

餘人皆為列侯其餘各以次受封及復死事之孤輕重

各有差太祖曰忠正密謀撫寧内外文若是也公達其

次也文若增邑千戶合二千戶公達增邑四百并前七

百戶

太祖自柳城還過攸舍稱述攸前後謨謀勞勲曰今天下事畧已定矣孤願與賢士大夫共享其勞

昔高祖使張子房自擇邑三萬

轉為中軍師

文若荀彧

戶今孤亦欲君自擇所封焉

文帝黃初四年八月論征孫權功諸將已下進爵增戶

各有差

明帝太和二年四月己巳論討諸葛亮功封爵增邑各



有差亮初出祁山盪寇將軍張郃位特進遣督將軍拒  
亮將馬謖於街亭謖依阻南山不下據城郃絕其汲道  
擊大破之南安天水安定郡反應亮郃皆破平之詔曰  
賊將以巴蜀之衆當虓虎之帥將軍被堅執銳所向克  
定朕甚嘉之益邑千戶并前四千三百戶

景初二年司馬宣王征公孫淵遼東郡縣悉平錄討淵  
功宣王以下增邑封爵各有差又以遼東平定以參謀  
之功各進爵中書監劉放方成侯中書令孫資中都侯

高貴鄉公甘露二年五月己卯詔曰諸葛誕造攝逆亂  
迫脅忠義平寇將軍臨渭亭侯龐會騎督偏將軍路蕃  
各將左右斬門突出忠壯勇烈所宜加異其進會爵鄉  
侯蕃封亭侯六月大論淮南之功封爵行賞各有差  
陳留王景元四年西蜀譙周說劉禪降魏劉氏無虞一  
邦蒙賴周之謀也時晉文王為相國以周有全國之功  
封陽城亭侯

咸熙元年七月癸巳詔曰前逆臣鍾會構造反亂聚集

征行將士劫以兵威始吐姦謀發言桀逆逼脅衆人皆使下議倉卒之際莫不驚懾相國左司馬夏侯和騎士曹屬朱撫時使在成都中領軍司馬賈輔郎中羊琇各參會軍事和琇撫皆抗節不撓拒會凶言臨危不顧詞旨正烈輔語散將王起說會姦逆凶暴欲殺將士又云相國已率三十萬衆西行討會欲以稱張形勢感激衆心起出以輔言宣語諸軍遂使將士益懷奮勵宜加顯寵以彰忠義其進和輔爵為鄉侯琇撫爵關內侯起宣

傳輔言告令將士所宜賞異其以起為部曲將

晉武帝泰始六年涼州為虜所沒帝臨朝歎曰誰能為我討此虜乎司馬督馬隆曰臣能平之公卿僉曰不可從也帝弗納以隆為武威太守隆西渡溫水轉戰千里殺傷以千數自隆之西音問斷絕朝廷憂之或謂已沒後隆使夜到帝撫掌歡笑詰朝召羣臣謂曰若從諸卿言是無秦涼也乃詔曰隆以偏師寡衆奮不顧難冒險能濟其假節宣威將軍加赤幢曲蓋鼓吹涼州既平朝

議將加隆將士勲賞有司奏隆將士皆先加顯爵不應更授衛將軍楊玘駁曰前精募將士少加爵命者此適所以為誘引今隆前軍獨尅西土獲安不得便以前授塞此後功宜皆聽許以明要信乃從玘議賜爵加秩各有差

太康元年平吳下詔曰使持節都督揚州諸軍事安東將軍京陵侯王渾督率所統逐逼秣陵令賊孫皓救死自衛不得分兵上赴以西軍之功又摧大敵獲張悌使

皓塗窮勢盡面縛乞降遂平定秣陵功勲茂著其封八  
千戶進爵為公封子澄為亭侯弟湛為闕內侯賜絹八  
千匹轉征東大將軍王濬為東平將軍縛吳孫皓送京  
師以濬為安東將軍為王渾所嫉及濬至京都有司奏  
濬表既不列前後所被七詔月日又赦後違詔不受渾  
節度大不敬付廷尉科罪詔曰濬前受詔徑造秣陵後  
乃下受渾節度詔書稽留所下不至便令與不受詔同  
責未為經通濬不即表上被渾宣詔此可責也濬有征

伐之勞不足以一青掩之有司又奏濬赦後燒賊船百  
三十五艘輒勅付廷尉禁推詔曰勿推拜濬輔國大將  
軍領步兵校尉舊校唯五置此營自濬始也有司又奏  
輔國依此未為違官不置司馬不給官騎詔依征鎮給  
五百大車增兵五百人為輔國營給親騎百人官騎十  
人置司馬為襄陽縣侯邑萬戶封子彛陽鄉亭侯邑千  
五百戶賜絹萬匹又賜衣一襲錢三十萬及食物又詔  
曰廣武將軍唐彬受任方隅東禦吳寇南臨蠻越撫寧

疆場有禦綏之績又每慷慨志在立功頃者征討扶疾奉命首啟戎行獻俘授馘勲效顯著其以彬為右將軍都督巴東諸軍事徵拜翊軍校尉改封上庸縣侯食邑六千戶賜絹六千匹又詔曰尚書關內侯張華前與故太傅羊祜共創大計遂典掌軍事部分諸方筭定權畧運籌決勝有謀謨之勲其進封為廣武縣侯增邑萬戶封子一人為亭侯千五百戶賜絹萬匹於是論功行封賜公卿以下帛各有差



明帝太寧二年王敦平以王導為始興郡公邑三千戶  
賜絹九千匹丹陽尹溫嶠建寧縣公尚書卞壺建興縣  
公中書監庾亮永興縣公北中郎將劉遐泉陵縣公奮  
武將軍蘇峻邵陵縣公邑各一千八百戶絹各五千四  
百匹尚書令郗鑒高平縣侯護軍將軍應詹觀陽縣侯  
邑各千六百戶絹各千八百匹建威將軍趙裔湘南縣  
侯右將軍卞敦益陽縣侯邑各千六百戶絹各三千二  
百匹其餘封賞各有差

成帝咸和四年蘇峻平三月壬子以征西大將軍陶侃  
為太尉封長沙郡公車騎將軍郗鑒為司空封南昌縣  
公平南將軍溫嶠票騎將軍開府儀同三司封始安郡  
公其餘封拜各有差右光祿大夫陸暄不以凶威變節  
加衛將軍給千兵百騎又以勲進爵為公封次子嘏新  
康子

孝武太元十年論淮淝之功追封謝安廬陵郡公封謝  
石南康公謝玄康樂公謝琰望蔡公桓伊永修公自餘

封拜各有差

安帝義熙十年十月桓玄敗車駕反正論興復之功封  
車騎將軍劉裕為豫章郡公撫軍將軍劉毅南平郡公  
右將軍何忌安成郡公自餘封賞各有差

十一年論平蜀功封劉義隆彭城公朱齡石豐城公  
後魏道武登國二年正月班賜功臣長孫嵩等七十三  
人各有差

三年六月北征康莫奚大破之獲其四部雜畜十餘萬

渡弱落水班賞將士各有差

六年十月北征蠕蠕追之及於大磧南林山下大破之  
班賜從臣有差

十年十月大破慕容寶衆於參合陂班賞大臣將校各  
有差

孝文大和六年二月癸丑賜王公以下清勤著稱者穀  
帛有差

宣武景明初傅永為汝陽鎮將時裴叔業將以壽春歸

國密通於永永具表聞及將迎納詔永為統軍與楊大  
眼奚康生等諸軍俱入壽春同日而永在後故康生大  
眼二人並賞列土永唯加清河男

前廢帝普泰元年八月庚子詔隴西王爾朱光天下文  
武討宿勤明達者泛三級

後廢帝中興元年十月齊獻武王大破爾朱兆於廣阿  
虜其卒五千餘人詔將士泛五級留守者一級

二年齊獻武王拔鄴擒刺史劉誕詔諸將士泛四級封

侯增邑九十七人各有差

後周武帝建德五年十二月以平齊諸有功者封授各有差


六年二月論定齊諸軍勲置酒於齊太極殿會軍士以班賜有差王勇本名胡仁為衛大將軍殷州刺史邛山之戰勇率敢死之士三百人並執短兵大呼直進出入衝擊殺傷者甚多敵人無敢當者是役也大軍不利唯勇及王文達耿令貴三人力戰皆有殊功帝於是賞帛

二千匹令自分之軍還皆拜上州刺史以雍州岐州北  
雍州擬授勇等然州頗有優劣又令探籌取之勇遂得  
雍州文達得岐州令貴得北雍州仍賜勇名為勇令貴  
名豪達名傑以彰其功

隋文帝時段達為車騎將軍高智惠李勣之亂達率眾  
一萬擊方滌二州賜縑千段遷儀同又破汪文進於宣  
州加開府賜奴婢五十口綵絹四千段

煬帝時突厥圍鴈門鴻臚少卿蘇憂於鎮城東南為弩

樓東箱獸圈一夕而就帝見善之以功進位通議大夫





冊府元龜卷一百二十七